

انا غريب وتايه عايش حزين ووحيد

كلمات: أماني سمير فارس · ألحان: منال سمير

اللحن: انا غريب وتايه

1. أنا غريب و تايه
2. أنا غريب و تايه ، عايش حزين و وحيد
من بعد ما سببت أبويا و سافرت بعيد بعيد
ودعت البيت يا اخواتي و أخذت أنا كل حاجاتي
و هناك ضيقت فلوسي ، أصبحت في فقر شديد
3. و هناك بدأت احتاج ، تعبان مش لاقى علاج
أصحابي في جوع سابوني ، و مع الخنازير تركوني
من بعد العز في بيتنا ، أصبحت حزين و وحيد
4. و في لحظة قلت ف بالي : " أنا ليه ما ارجعش لبابا؟
أبكي له و أعلن ندمي ، و أكيد يسامحني أكيد "
مش قادر أبعد عنك ، رجعتني تاني لحضنك
محتاج أقرب منك ، محتاج لقلب جديد
5. و رجعت بسرعة لبيتنا و عيوني مليانة دموع
مكسوف من نفسي و نادم ، آسف و كُلي خضوع
في طريقي لبيتنا لمحطه واقف مستني رجوعي
ملهوف ، مشتاق ، متألم لضياعي و بُعدي و جوعي
6. لمحني بكى بحرارة و دموع سالت بغزارة
بمحبة و قوة مسكيني و في حضنه الدافي أخذني
و دموعه الغالية بتتطق : الليلة دي أجمل عيد
الليلة دي أجمل عيد